

dixerat: facere contumeliam, pro, pati contumeliam. Sicut dicimus: facere naufragium, pro, pati naufragium. Quis unquam, inquit, hominum ita locutus est? Sic: non quod tu aīs esse est? ita. Sed aīs lapidem esse? ita. E. lapidem est. Solœcismus est, non debes concludere, lapidem est, sed ita: lapis, quem dixisti, revera est. Sed hæ λεπολεξίας, perinde atq; Kikajon ille Propheticus alibili succo destitutus in ipso meridie exaruit, facile videntur, & per se concidunt.

Annotatio.

I. *Kikajon*, קִיקוֹן qvid sit *Jon.* 4. variant interpretes. Alii *ricinum*, aliicucurbitam, *cucumerem*, alii *bederam* vertunt. *Targum Hebr.* dictionem non mutavit. *Arabicè* vocatur אלכְרֹוּע *Alkervā*. Inde abjecto Articulo *A*, est nostrum ein *Kürbis*. Nascitur creberrimè in Palæstinâ, lata habens folia in modum pampini, mirumq; in modum, si sementem jeceris, citò confota consurgit in arborem, & intra paucos dies, quam herbam videras, arbusculum suspicis. Confer *Lexic.* Pagnini *Hebr.* p. 2477.

05

Lexic.